

2
1952

საახალწლო მარჩილეობა

ჰარი ტრუმენი:—დაგდახვროს ღმერთმა! სა-
მას სამოცდაექვს დღეში ნუთუ ჩემთვის ერთიც არაა
ისეთი, რომ გამახაროს!?

2
1952

მ-24.

საქართველოს
კომუნისტური
პარტია



ნ ი ა ნ გ ი

№ 1 თბილისი იანვარი 1952 წ.
გამოცემლობა „კომუნისტი“ წელი XXIX ზარი 2 პან

სტუმარ-მასპინძლობა




ამერიკელი ძია და ლე-გასპერი იტალიაში ახალ წელს ისევ ერთად შეხვდნენ, — სტუმარ-მასპინძელი, როგორც ხედავთ, თავს ბედნიერად გრძნობს...

გაუგან-ჰუშა თუჩათუზი

ნახ. გ. იაშვილისა



— ნუთუ წელსაც ამ დღეში უნდა ვიყოთ?!



აქესონური განმეორება

ჩვენი სამხედრო მზადება შარშან სხვა იყო, ალბათ დაინახავდით!

წელს კი, უცქირეთ: დაბლა დაეშვა, აი, აქედან, აი, აქამდე...

რკინიგზით მგზავრობას რომ წარმოვიდგენ, წინასწარ ველავ: ცუ-
დად ნუ ჩამოშორდები და არც რკინიგზელებისადმი ვარ სასიკეთოდ გან-
წყობილი (ერთის გარდა, რომელიც ჩემი მეზობელია და, მართალი გითხ-
რათ, მეტად სიმპათიური ქალია, ვაგონის გამცილებლად მუშაობს). რკინი-
გზელებისადმი ასეთი დამოკიდებულება, ალბათ, მათი ცუდი მომსახუ-
რებიდან გამომდინარეობს, თორემ მე რა მაქვს მათთან გასაყოფი,
რევიზორი ხომ არა ვარ!

ასეა თუ ისე, ერთ მშვენიერ დღეს ხელთ ჩავუვდე ჩემი თავი რკინი-
გზელებს. სამსახურებრივი მოვალეობის გამო მივლინება არ ამცდა სო-
ხუმში.

მატარებლის გასვლას 45 წუთი აკლდა, როცა სადგურზე გავჩნდი.
პერონზე თითქმის სირბილით შევიჭერი. მიყვარს თადარიგი, რადგან გამო-
ცდილებიდან ვიცი, რომ ხანდახან ადგილი № 8 დერეფანშიც აღმოჩნ-
დება ხოლმე.

თან ისეთ საბრძოლო განწყობილებაზე ვიყავი, რომ ერთი მხარის
გაკვრით გავფანტავდი პლაკარტიანი ვაგონის წინ მოვაჭრე უბილეთო
მგზავრებს.

ჩემდა საუბედუროდ ვაგონის წინ მარტო გამყოლი იდგა ნათურით
ხელში. სულ ჩემი ცოლის ბრალია. ადრეაო მეუბნებოდა. რომელი გამო-
ცდილი მგზავრი მოდის იმ დროს, როცა მატარებლის გასვლას სულ
რამაც 45-ოდე წუთი აკლია? ახლა ვინღა მომაშველებს ჩემს ადგილს?
ფიქრობ და თვალი კუბებისკენ მიჰიარავს.

— ახლავე გაანთავისუფლეთ ჩემი საწოლი, თორემ საშინელ სკან-
დალს ავტებს!—ჯიქურ ვეცი გამცილებელს, რომელიც, ალბათ, ასეთ რი-
ხიან შემოტევას არ მოელოდა და შეშინებულმა ცოტა უკან დაიხია.

— რაშია საქმე, მოქალაქე? მაჩვენეთ თქვენი ბილეთი. რატომ ლე-
ლავთ, დამშვიდდით, დამშვიდდით!—მომმართა ისეთ მშვიდ კილოზე,
რომ კინაღამ გავბრწყინდი და მართლა დავმშვიდდი. მაგრამ რომ წარმო-
ვიდგინე თუ რა მომელოდა უადგილოს, უფრო ავენთე.

— მე მაშინ დავმშვიდდები, როცა იმ ვილაკ თავზედს გადმოაბრ-
ძანებთ ძირს!—მივუთითე ერთ-ერთ კუბეში არხეინად წამოწოლილ ახალ-
გაზრდაზე.

— თქვენი მერვე ადგილი ყოფილა. რატომ გგონიათ, რომ დაკავე-
ბულია? მიბრძანდით მეორე კუბეში! ქსენია, მიიღე მგზავრი!—მიაცხა
ვილაკის და კიბზე ასულს ზრდილობიანად დამიყვავა. —არ ვარგა ასეთი
ფიცხობა, მეგობარო!

ალბათ, ვილაკა „დიდი ვინმე“ ვგონივარ, გავიფიქრე და პირველი
გამარჯვებით გახარებული ვაგონში შევედი.

ჩემსკენ მომავალ ქალს პირდაპირ შევეხეჩე.

— რა ამბავია, მოქალაქე, სტადიონზე ხომ არა ხართ!—მომესმა
ნახი ხმა.

მე ადგილზევე გავშეშდი.

— ბოდიში, ეს თქვენა ხართ? არ მოველოდი, მაპატიეთ.—წავი-
ლულულე დარცხვენილმა.

ჩემს წინ ჩემი მეზობელი ქსენია იდგა.

— ო, პატივცემულო ვახტანგ, თქვენ? როგორ მოხდა? აქი ამბო-
ბდით: თქვენს ვაგონში არ ჩავჯდებიო. აი, ხომ ხედავთ, „მთა მთას არ
შეხედება...“—არ დააბოლოვა ანდაზა და ბილეთი გამომართვა.—მერვე
ადგილია ხომ? აქეთ მობრძანდით.

იქვე კუბეში შევედით.

— აი, ეს იქნება თქვენი ადგილი. არ მოიწყინოთ.—გამიღიმა კე-
კლუცად და გარეთ გავიდა.

თქვენ წარმოიდგინეთ ჩემი გაოცება, როცა საწოლი თავისუფალი
აღმოჩნდა, კუბე კი ლენინგრადის ავეჯივით სუფთა და ლამაზი.

ჩემს გარდა კიდევ სამი კაცი იყო, რომელთაც უკვე მოესწროთ
ერთმანეთის გაცნობა.

— ხომ არაფერი გნებავთ?—შემოპყო თავი ქსენიამ.

— ლოგინი გაგვიწყეთ!—თითქმის ერთხმად უთხრეს ჩემმა თანამგზა-
ვრებმა და საუბარი განაგრძეს.

— თქვენ არ გინდათ ლოგინი, პატივცემულო ვახტანგ?—მომმართა
ქსენიამ.

ვაგონის თეთრეული თქვენც კარგად იცით რა შვილია, მაგრამ
სუსტი ნებისყოფისა ვარ და წუთში მოვლბები, როცა ქალი კეკლუცად
მიღიმის, ისიც მეზობელი. სხვა რომ არ იყოს, ეზოში ამომავდებს,
იტყვის: 10 მანეთის გადახდა დაენანაო.

— მომიტანეთ, მომიტანეთ!—მექანიკურად დავუქნიე თავი და წარ-
მოვიდგინე მეორე დილა, როცა გასრესილი ბალნინჯოები ზეწარს კალ-
მახის ზურგივით ააჭრელებდნენ.

კარებში ჯერ ლოგინი გამოჩნდა, შემდეგ ქსენია—მომღიმარი
სახით.

ყველანი წამოვდექით და დერეფანში გავედით. ხუთ წუთში ლოგი-
ნები მზად იყო. გუნებაში მეცინებოდა. რა ბედი ჰქონიათ ამ მგზავრებს.
მე რომ არ ვყოფილიყავი, ალბათ, ზედაც არავინ შეხედავდა-მეთქი.

გადავწყვიტე არ დამეძინა და ქსენიასთან საუბარში გამეტარებინა
ღაშე.

— ქსენია, თუ არ შეწუხდებით, რადიო ჩართეთ.—მივმართე, როცა
დერეფანში გამოვიდა.

— ნუ გეწყინებათ და თორმეტი საათის შემდეგ ჩვენ რადიოს არ
ვუერთებთ, ახლა კი ხომ ხედავთ, ორი დაიწყო, მგზავრებს ძილი უნდათ,
დროა თქვენც მოისვენოთ. ვერ ატყობთ, რომ გაცდენთ? ღამე მშვიდო-
ბისა!—მითხრა მოფერებით და მეზობელ კუბეში მიიმალა.

მართალი გითხრათ, მეც მომერია დალილობა და გავწირე თავი
ბალნინჯოების შესაქმელად.

ჩემს თანამგზავრებს სინათლე ჩაეჭროთ და ტკბილად ეძინათ. მეც
უსიტყვოდ გავიხადე და დავწექი.

— ასე თუ იძინეთ, სოქაში ამოჰყოფთ თავს.

თვალები გავახილე. ჩემს წინ ქსენია იდგა და ლონიერად მანჯღრე-
და. კარგად გათენებულყო. ჩემი თანამგზავრები მაღიანად შეექცეოდ-
ნენ დილის საუზმეს. სარკმელში ზღვის ჰორიზონტი ლაპალაჰებდა.

დაფეთებული წამოგზი ზეზე და ზეწარს დავხედე, მაგრამ წარმო-
იდგინეთ ჩემი განცვიფრება: ზეწარის სისუფთავე ჩემს ცოლსაც შეუშრ-
დებოდა.

მადლობის თვალთ შევხედე გამყოლს, რომელსაც მეზობლისათვის
საკუთარი ზეწარიც არ დაენანებინა.

— ინიებთ პირსახოცი.—გამაწყვეტინა ფიქრი ქსენიამ და ხელში
გაქათქათებული პირსახოცი ჩამიღო.

მეტი რა გზა მქონდა, გამოვართვი. სუფთა და ლამაზ პირსახანში
საპონიც დამხვდა. უნებლიედ გამეცინა. ასეთი მზრუნველობა უკვე მეზო-
ბლობის საზღვარს სცდებოდა. ბედით კმაყოფილი ვიყავი.

კუბეში მხიარული დავბრუნდი. მალე რადიოც ამღერდა და ჩემს
განწყობილებაში მეტი სიხალისე შეიტანა.

გამოჩნდა სოხუმი. ჩემოდნით ხელში ქსენიას კუბეში შევედი, რათა
მადლობა გამოვცხადებინა ჩემი და ჩემი თანამგზავრების მაგივრად.

— რასა ბრძანებთ, პატივცემულო ვახტანგ, ეს ხომ ჩემი მოვალე-
ობაა?

„მოვალეობა თუ მეზობლობის პატივისცემა?“ მინდოდა მეთქვა,
მაგრამ თავი შევიკავე და გამოვბრუნდი.

მატარებელი მძიმედ დაიძრა.

ნელა ჩაიარეს ვაგონის ფანჯრებმა. ერთ ფანჯარასთან გაკრულმა
პლაკატმა მიიპყრო ჩემი ყურადღება:

„საუკეთესო მომსახურების ვაგონი“.

ახლა კი ამეხილა თვალები.

კარებისკენ გავიხედე. ქსენია სანდომიანად იღიმებოდა. მე შემრცხვა
და გაუბედავად დავუქნიე ხელი. ყველა მგზავრის მაგივრად ვუხდიდი
მადლობას „საუკეთესო მომსახურებისათვის“.

გ. შირაცხალავა





ვინ მყავს მე კმაყოფაზე?



ოცდაათი წელი შემისრულდა და ცოლ-შვილი არა მყავს. მე ამის შესახებ დავფიქრდი მხოლოდ გუშინ, როცა საკოლ-მეურნეო ბაზარზე კილო ჯონჯოლი 4 მანეთი ღირდა.

მე ერთი რიგითი მოქალაქე ვარ... როგორც ზევით მოგახსენეთ, ცოლ-შვილი არა მყავს, ვცხოვრობ კარგად და ვიცხოვრებდი უფრო უკეთესად, რომ კმაყოფაზე არ მყავდეს ოცი-ოცდაათი ცოლ-შვილი.

— მილიციონეერ! — იყვირებს მკითხველი. — შეიძლება ეს მრავალცოლიანი უცოლო რიგითი მოქალაქე!

მოითმინეთ, მკითხველო, რა გაყვირებთ? ჯერ მომისმინეთ. მე ვიმეორებ, რომ კმაყოფაზე მყავს 20-25 ცოლ-შვილი მაშინ, როდესაც ვითვლები უცოლოდ და არც ერთი შვილი არა მყავს.

მე სულ სხვანაირი კაცი ვარ. მაგალითად, რას იხდით თქვენ ერთ კილო ჯონჯოლში? ოთხ მანეთს, არა?... მე კი ვიხდი 30 მანეთს.

აი, მაგალითად, შევდივარ მე „საზვეტრესტის“ რომელიმე რესტორანში. ვთქვათ, შევუკვეთე მწვადი და სანამ იგი შეიწვოდა, მოვითხოვე ჯონჯოლი, ან სხვა რამ. მომიტანეს ჯონჯოლი — წონით არა უმეტეს ასი გრამისა. გიახვლით მწვადი, ლიმონადი, პური და ჯონჯოლი. ანგარიშის გასწორების დროს აშკარად მომპარეს ერთ მწვადზე ერთი მანეთი, ორ ლიმონადზე — ერთი მანეთი, სამას გრამ პურზე — ერთი მანეთი და ას გრამ ჯონჯოლში ამადუცქენეს სამი მანეთი, ანუ კილოში 30 მანეთი, სულ დამცინცლეს 6 მანეთი.

— კაცო, სინდისი გაქვთ თქვენ? — ვეკითხები ოფიციალს.

— სინდისი არ გვაქვს, ბატონო, თუ გნებავთ, ბულლამას მოგართმევთ! — მიპასუხებს სხაპასუხით და დაუფიქრებლად ოფიციალტი, რომელსაც სინდისი და ბულლამა ერთი და იგივე საგანი ჰგონია.

— ას გრამ ჯონჯოლში 3 მანეთს რომ მახდევინებ, რას ფიქრობ?

— ფიქრის დრო სად გვაქვს, ბატონო, ხომ ხედავთ საესეა რესტორანი! — მომაყარა ეს სიტყვები, შემდეგ მეზობელ მაგიდას გადასძახა „მოდი ექვსი ბოთლი“ და გაჰქრა.

— ექვსი მანეთი ამადუცქენა ამ უსინდისომ! — წამოვიძახე ისე ხმაშლით, რომ ჩემს მეზობლად მჯდომი მოქალაქე გამომეხმაურა:

— რა ვუყოთ მერე? — თქვა მან, — განა მარტო თვითონ ჩაიდებს ჯიბეში!.. ზოგს მეზუფეტეს მისცემს, ზოგს — გამგეს, ზოგს — ინსპექტორს... ყველას ცოლ-შვილი ჰყავს, ყველას სურს საკუთარი ოდა ჰქონდეს ვაკეში...

დაღონებული გამოვედი გარეთ...

დაღონებული მარტო იმით კი არა, რომ რამდენიმე მანეთი ამადუცქენეს, არამედ იმიტომაც, რომ ჩვენს დროში, რომელიც სავსეა გმირობით, მამაცობითა და კეთილშობილებით, რატომ უნდა მყავდეს მე კმაყოფაზე „საზვეტრესტის“ რესტორნების ოფიციალტებისა და მეზუფეტეების ცოლ-შვილი!

მივდივარ დაფიქრებული. გრძალით ჩამიქროლა ტაქსმა და კიდევ უფრო დავლონდი. იმ ტაქსის შოფრის ცოლ-შვილიც ხომ ჩემს კმაყოფაზეა!

ზოგ ტაქს-მანქანაზე მრიცხველი დგას და საკუთარი თვალთა ჰხედავს, თუ რამდენია შენი ზარალი. მაგრამ ყველა ტაქს-მანქანას მრიცხველი არა აქვს. ასეთ მანქანაში მთლიანად დამოკიდებული ხარ შოფრის სინდისზე, ხოლო თუ რამდენად შესაძლოა ენდოთ ზოგიერთი შოფრის სინდისს, ალბათ, მოგეხსენებათ.

ამას წინათ მარტის მოედნიდან უნივერსიტეტამდე მრიცხველიანი ტაქსით მისვლა დამიჯდა 6 მანეთი და 80 კაპიკი, უმრიცხველო კი 12 მანეთი გადამახდევინა.

— რატომ შერებით ამ საქმეს? — ვუსაყვედურებ შოფერს.

— არა გჯერათ, რომ 12 მანეთია გადასახდელი? თვითონ შეამოწმეთ. აი, ამ მრგვალ აპარატს ხომ ხედავთ? ამას ისრები აქვს, ერთი ისარი აჩვენებს კილომეტრს, მეორე — ნახევარ კილომეტრს. ამ ციფრებს ხომ ხედავთ?... აი, ნახეთ...

ერთი კი ზევზედ რალაც ისრებსა და ციფრებს, თვალზე ამიჭრელდა, გადავიხადე 12 მანეთი და გადმოვედი მანქანიდან.

— ცოლ-შვილიანი იქნება, — გავიფიქრე, — საკუთარი „პო-ბელისათვის“ ფულს აგროვებს...

ლენინის რაიონში „პრაღის“ ქუჩაზე აბანოა. ამას წინათ მე იქ წინასწარ დავიჯავშნე ნომერი და გადავიხადე 5 მანეთი. უნდა მივსულიყავი მეორე დღით 8 საათზე, მაგრამ გადავიცილე ათი წუთი.

— თქვენ დაკარგეთ რიგი! — გამომცხადა მოლარე ქალმა, საკმაოდ სიმპათიურმა და თავაზიანმა.

— სამწუხაროა, მაგრამ რა გეწყობა. თუ შეიძლება ხვალისთვის დამინიშნეთ.

— სიამოვნებით, ოღონდ გადაიხადეთ ხუთი მანეთი.

— აკი გუშინ გადავიხადე?

— ის დაკარგულია რიგთან ერთად. ასეთია კანონი.

— ყოვლად შეუძლებელია! — ვამბობ და შევდივარ აბანოს გამგესთან.

— ნუ ღელავთ! ისე ჩასთვალეთ, თითქოს ხუთი მანეთი არც გქონიათ. ამის შესახებ არსებობს ქალაქის საბჭოს დადგენილება... აი, წაიკითხეთ.

გადავიკითხე და შევეყვირე:

— აქ სწერია, რომ მოქალაქე კარგავს რიგს დანიშნული დროის გადაცილების შემთხვევაში... რიგს და არა ფულს!

— მანდ სწერია, რომ კარგავს რიგს, მაგრამ არ სწერია, რომ არ კარგავს ფულს, ე. ი. არ სწერია, რომ ფული უნდა დაუბრუნდეს პატრონს.

— ეს თავისთავად იგულისხმება.

— ჩვენ კი ვფიქრობთ, რომ არ იგულისხმება... ჩვენ არასოდეს არ დავგიბრუნებია ფული დაგვიანებული მოქალაქისათვის. მიბრძანდით, მობანავე მოქალაქეებს ნუ აღელვებთ.

— ესე იგი მახდევინებთ ხუთ მანეთს!

— ასე გამოდის.

ხუთი მანეთიც წამართვეს, დროც დავკარგე და ნერვებიც ამეშალა.

დავაპირე მეჩვილა პირდაპირ აბანო-საპარკმახეროების ტრესტში, მაგრამ თავი შევიკავე. აბანოშიც ხომ ცოლ-შვილიანი ხალხი მუშაობს!

— ასეთ შემთხვევებში, — მიჩია ერთმა მეგობარმა, — არასოდეს და არავის არ უნდა უჩივლო. ჩივილი ვაჟკაცის საქმე არ არის... რა ვუყოთ, ზოგი 10 მანეთს ჩამოგრჩება, ზოგიც ხუთ მანეთს... ყველას ცოლ-შვილი ჰყავს, ყველას სურს საკუთარი „პოზედა“, პიანინო და პატარა, ორსართულიანი ოდა ექვში.

— კაცო, ცოლ-შვილიანი მამაჩემიც კი იყო, მაგრამ სხვის კმაყოფაზე კი არ ჰყავდა! — ვამბობ მე გაცეცხლებული. — მეც ხომ ისეთივე რიგითი მოქალაქე ვარ, როგორიც ისინი? რატომაა, რომ მე არათუ მყოფნის ჩემი შრომის საფასური, არამედ ყოველდღიურად ხარკსაც კი ვიხდი ზემოთ დასახელებულ მადააშლილთა სასარგებლოდ!


— მერე, თქვე დალოცვილო, თქვენი მადა და მათი მადა ერთია?!

— არა, არა, დღეიდან გადაწყვეტილი მაქვს არც ერთ კაპიკს არავის არ შევაწევ. მე თვითონ შევირთავ ცოლს... რალა სხვისი ცოლ-შვილისათვის ვიზრუნო...

გ. ლიპაძე



ნახ. ა. კანდელაკის



— ღვინოს წყალს ნუ დაასხამ, ბიჭო, აფხუხია, გაფუჭდება. წყალს დაახსი ღვინო. დე, ისევ წყალი გაფუჭდეს... ახალი წელია, ახლებურად ვიმუშაოთ!

შეშორებული ანდაზები

- სიღერძი დირექტორს მოუკვდა, საწუბურის გაშვებამ კი ტიროდაო.
- მდივნელი მოადგილეს რად აქებსო და უფროსი შეგულებასძიაო.
- ჰესამედ დადგან იონა, ცხოვრება გაიიოლა.
- ინჟინერი კლუბს აშენებდა და ერთი „ელუზი“ ჩემთვისაც იქონსო.
- ჰეტრე ზავლეს როგორ წაასწრებდა, ჰეტრე ზავლეს თვითონ ასწრებდაო, — მექრთამე რეჟისორსე იტყვიან.

შეკრიბა გიამ

შ ი ნ

ნაზ. ი. კოჭიაშვილისა



— დედიკო! ამ მეოთხედში არც ერთი ორიანი არ მიმიღია!?

სკოლაში



— მართალია... სკოლაში არ დადიოდა...

რედაქტორი კ ა რ ლ ო კ ა ლ ა ძ ე. სარედაქციო კოლეგია: გრ. აბაშიძე, აკ. ბელიაშვილი, ი. გრიშაშვილი, უჩა ჯაფარიძე, ი. ნონეშვილი, ს. ფაშალიშვილი.

თბილისი. სატირიკო-იუმორისტული ჟურნალი „ნიანგი“. რედაქციის მისამართი: რუსთაველის პროსპ. № 42. ტელ. 8-10-40.

ხელმოწ. დასაბ. 1952 წ. 16/1 ფურადი ბეჭდვის სტამბა, ბარათაშვილის ქ. № 10/1 შევ. № 47 გამიც. № 1 ტირ. 15.000. უფ. 00315.

ჟორესტოლის ზოლი

ოურქეთის მეჯლისის დეპუტატს შევექეთ მოჯანს ორი-საპი კაცი ჰყავს მოკლული, მიუზღდავად ამისა დაუსჯელი დადის, რადგან სიგიჟის მოწმობა აქვს. შევექეთ-ეფენდი აპას წინათ კომუნისტების განადგურებას მოითხოვდა.

გაზეთებიდან

ეროვნული
ბიბლიოთეკა

შევექეთ-ეფენდი ზეიმობს, რომ ფორესტოლის ტოლია, —
ყირაზე ახლა თურქი დგას, კედელზე — ფორესტოლია!

